

Облыстардың, Астана және Алматы қалаларының әкімдері жанындағы мемлекеттік нышандар жөніндегі комиссиялар туралы үлгі ережені бекіту туралы

Күшін жойған

Қазақстан Республикасы Үкіметінің 2003 жылғы 12 қарашадағы N 1131 қаулысы. Күші жойылды - Қазақстан Республикасы Үкіметінің 2017 жылғы 23 қыркүйектегі № 584 (алғашқы ресми жарияланған күнінен бастап қолданысқа енгізіледі) қаулысымен

Ескерту. Күші жойылды – ҚР Үкіметінің 23.09.2017 № 584 (алғашқы ресми жарияланған күнінен бастап қолданысқа енгізіледі) қаулысымен

"Қазақстан Республикасы Президентінің кейбір өкімдеріне өзгерістер мен толықтырулар енгізу туралы" Қазақстан Республикасы Президентінің 2003 жылғы 28 тамыздағы N 404 өкімінің 3-тармағын іске асыру мақсатында Қазақстан Республикасының Үкіметі қаулы етеді:

1. Қоса беріліп отырған Облыстардың, Астана және Алматы қалаларының әкімдері жанындағы мемлекеттік нышандар жөніндегі комиссиялар туралы үлгі ереже бекітілсін.

2. Осы қаулы қол қойылған күнінен бастан күшіне енеді.

Қазақстан Республикасының
Премьер-Министрі

Қазақстан Республикасы
Үкіметінің
2003 жылғы 12 қарашадағы
N 1131 қаулысымен
бекітілген

Облыстардың, Астана және Алматы қалаларының әкімдері жанындағы мемлекеттік нышандар бойынша комиссиялар туралы үлгі ереже

1. Жалпы ережелер

1. Облыстардың, Астана және Алматы қалаларының әкімдері жанындағы мемлекеттік нышандар жөніндегі комиссия (бұдан әрі - Комиссия) Облыстардың, Астана және Алматы қалаларының әкімдері жанындағы мемлекеттік нышандарды зерделеу, насихаттау және қолдану саласындағы мемлекеттік саясатты іске асыру, Қазақстан Республикасы Президентінің "Қазақстан Республикасының Мемлекеттік нышандары туралы" 1996 жылғы 24 қаңтардағы N 2797 Конституциялық заң күші бар Жарлығына сәйкес мемлекеттік стильді

қалыптастыру және оларды қолдану практикасын қорыту бойынша ұсыныстар әзірлеу жөніндегі консультациялық-кеңесші орган болып табылады.

2. Комиссия өз қызметін Қазақстан Республикасының заңнамасына және осы үлгі ережеге сәйкес жүзеге асырады.

3. Облыстардың, Астана және Алматы қалалары әкімдері лауазымы бойынша Комиссия төрағасы болып табылады. Комиссияның дербес құрамы заңнамада белгіленген тәртіппен бекітіледі.

2. Комиссияның негізгі міндеттері

4. Комиссияның негізгі міндеттері:

1) халықтың арасында Қазақстан Республикасының мемлекеттік нышандарына құрмет қатынастарын қалыптастыру;

2) Қазақстан Республикасының мемлекеттік нышандарын насихаттау және қолдану мәселелері, тиісті әкімшілік-аумақтық бірлікте мемлекеттік стильді қалыптастыру жөнінде ұсынымдар мен ұсыныстар әзірлеу;

3) мемлекеттік бірдейлендіру нышандары мен геральдикалық белгілері жасау және енгізу жөнінде ұсынымдар әзірлеу;

4) Қазақстан Республикасының мемлекеттік нышандарын қолданудың нормативтік құқықтық базасын жетілдіру жөнінде ұсыныстар әзірлеу болып табылады.

3. Комиссияның өкілеттілігі

5. Осы үлгі ережемен анықталған міндеттерді іске асыру үшін Комиссия:

1) жергілікті бюджеттен қаржыландырылатын атқарушы органдарға мемлекеттік нышандарды насихаттау және қолдану жөніндегі мәселелерді шешуде консультациялық көмек көрсетеді;

2) мемлекеттік бірдейлендіру нышандары мен геральдикалық белгілерді жасаудың және енгізудің әлемдік тәжірибесін зерделейді және Мемлекеттік нышандар жөніндегі республикалық комиссияға Қазақстан Республикасында оларды қолданудың нормативтік құқықтық базасын жетілдіру жөнінде ұсыныстар енгізеді;

3) облыстар, Астана және Алматы қалаларының аумағында ресми іс-шаралар өткізу кезінде мемлекеттік нышандарды қолданудың рәсімдік ережелерін әзірлеуге қатысады;

4) мемлекеттік нышандарды насихаттау және мемлекеттік стильді қалыптастыру жөніндегі жұмысты жетілдіруге бағытталған зерттеулерді жүргізуге бастамашылық жасайды;

5) геральдикалық белгілер жобаларын қарайды және сараптама қорытындыларын дайындауды жүзеге асырады;

6) Комиссия құзыретіне кіретін мәселелер бойынша азаматтардың жазбаша өтініштерін қарайды;

7) Комиссия өз өкілеттіктерін Қазақстан Республикасының заңнамасында белгіленген тәртіппен жүзеге асыру кезінде жергілікті бюджеттен қаржыландырылатын атқарушы органдармен, бұқаралық ақпарат құралдарымен, қоғамдық бірлестіктермен, басқа да мүдделі ұйымдармен өзара іс-қимыл жасайды.

6. Комиссия:

1) өз құзыреті шеңберінде жергілікті бюджеттен қаржыландырылатын атқарушы органдардан, мүдделі ұйымдар мен лауазымды тұлғалардан жұмысқа қажетті ақпаратты және өзге де материалдар мен мәліметтерді сұрауға және алуға;

2) өздерінің отырыстарында жергілікті бюджеттен қаржыландырылатын атқарушы органдар басшыларын олардың өз құзыреті шеңберінде Қазақстан Республикасының заңнамалық кесімдерін орындау жөнінде жүргізген жұмыстары туралы тыңдауға;

3) тиісті әкімшілік-аумақтық бірлікте Қазақстан Республикасының мемлекеттік нышандарын насихаттау және қолдану мәселелері бойынша жергілікті бюджеттен қаржыландырылатын атқарушы органдардың қызметін өкілетті мемлекеттік органдардың тексеру жүргізуіне бастамашылық жасауға;

4) Қазақстан Республикасының заңнамасында көзделген қаражат шегінде және сол қаражат есебінен мемлекеттік нышандарды насихаттау және қолдану мәселелері жөнінде кең ауқымды акциялар, семинарлар, "дөңгелек үстелдер", мәжілістер өткізуге;

5) Мемлекеттік нышандар жөніндегі республикалық комиссияға, жергілікті бюджеттен қаржыландырылатын атқарушы органдарға, мүдделі ұйымдар мен қоғамдық бірлестіктерге Комиссия қызметінің нәтижесі болып табылатын ұсынымдық сипаттағы талдау, әдістемелік және өзге де ақпараттық материалдарды жолдауға;

6) Комиссия құзыретіне жататын сараптамалық талдау зерттеулерін жүргізу үшін сараптама кеңесін құруға құқылы.

4. Комиссияның жұмысын ұйымдастыру

7. Комиссия төрағадан, төрағаның орынбасарынан, хатшыдан және Комиссия мүшелерінен тұрады.

8. Комиссия жұмысы қоғамдық негізде жүзеге асырылады.

9. Комиссияның төрағасы:

- 1) Комиссияға жалпы басшылық етуді жүзеге асырады, Комиссия отырыстарында төрағалық етеді;
- 2) Мемлекеттік нышандар жөніндегі республикалық комиссия төрағасын Комиссияның қызметі туралы тұрақты түрде хабардар етеді және оған мемлекеттік нышандарды насихаттау және қолдану жөнінде жергілікті бюджеттен қаржыландырылатын атқарушы органдардың қызметін жетілдіру жөнінде ұсыныстар енгізеді;
- 3) Комиссияның сараптама кеңесінің құрамын бекітеді;
- 4) Комиссия мүшелері арасында тапсырмаларды бөледі;
- 5) жергілікті бюджеттен қаржыландырылатын атқарушы органдарға, мүдделі ұйымдарға және лауазымды тұлғаларға Комиссия отырыстарына материалдар, өзінің атына келіп түскен ұсыныстар бойынша қорытындылар дайындауды тапсырады;
- 6) Комиссия отырыстарының хаттамаларына, жұмыс жоспарларына қол қояды;
- 7) Комиссияның жұмысын жетілдіру және оның құзыретіне кіретін өзге де мәселелер бойынша Комиссия мүшелерінің ұсыныстарын қарайды;
- 8) Комиссия отырыстарының күн тәртібін анықтайды.

10. Комиссия төрағасының орынбасары:

- 1) Төраға тапсырмаларының және Комиссия ұсынымдарының орындалуын бақылауды қамтамасыз етеді;
- 2) Комиссияның ағымдағы және перспективалық жұмыс жоспарларын Комиссия төрағасына бекітуге енгізеді;
- 3) Комиссия отырыстарын дайындау үшін жалпы бақылауды жүзеге асырады;
- 4) Комиссия төрағасының келісімімен Комиссия хатшысына немесе мүшелеріне Комиссия құзыретіне кіретін мәселелер бойынша материалдарды, азаматтардың жазбаша өтініштерін қарауға жібереді;
- 5) осы үлгілік ережеге сәйкес Комиссия төрағасының өзге де тапсырмаларын орындайды.

11. Қазақстан Республикасы Ақпарат министрлігінің облыстық, Астана және Алматы қалалық ақпарат басқармаларының бастығы лауазымы бойынша Комиссияның жұмыс органына басшылықты жүзеге асыратын Комиссия хатшысы болып табылады.

12. Комиссияның мүшелері:

- 1) халық арасында мемлекеттік нышандарға құрмет қатынастарын қалыптастыруға жәрдемдеседі, бұқаралық ақпарат құралдарында Қазақстан Республикасының заңнамасында көзделген шектерде және қаражат есебінен насихаттауға қатысады;

- 2) Комиссия отырыстарына қатысады;
- 3) Комиссия төрағасының және төраға орынбасарының тапсырмаларын орындайды;
- 4) Комиссия құзыретіне жататын мәселелер бойынша ұсынымдар, сараптама қорытындыларын дайындауға қатысады;
- 5) Комиссияның жұмыс органынан Комиссия отырыстарына қажетті материалдар алады;
- 6) Комиссияның ағымдағы және перспективалық жұмыстарын жоспарлауға қатысады;
- 7) жазбаша түрде баяндалатын және хаттамаға берілетін ерекше пікірге құқығы бар.

13. Комиссияның жұмыс органы облыстық, Астана және Алматы қалаларының ақпарат басқармалары болып табылады:

Жұмыс органы:

- 1) Комиссияның жұмысын жалпы ұйымдастыруды және оның мүшелерінен қалыптасатын сараптама кеңесінің қызметін үйлестіруді жүзеге асырады;
- 2) мемлекеттік нышандарды қолдану және насихаттау мәселелері қарауына жататын облыстар, Астана және Алматы қалаларының әкімдері аппараттарының лауазымды тұлғаларына әдістемелік көмек көрсетеді;
- 3) жергілікті бюджеттен қаржыландырылатын атқарушы органдардан ақпарат жинауды, өңдеуді, мемлекеттік нышандарды қолдану және насихаттау практикасын талдауды, бұл саладағы жұмыстарды жетілдіру жөніндегі ұсынымдар жасауды жүзеге асырады;
- 4) жергілікті бюджеттен қаржыландырылатын атқарушы органдарға және өзге де мүдделі ұйымдарға Комиссия ұсынымдарын түсіндіреді және жолдайды;
- 5) бұқаралық ақпарат құралдарымен тиісті әкімшілік-аумақтық бірлікте мемлекеттік нышандарды насихаттауға және қолдануға бағытталған Комиссия қызметін жариялау жөнінде өзара іс-қимылды жүзеге асырады;
- 6) өз өкілеттіктері шегінде өтінім білдірушілерге олар енгізген ұсыныстар бойынша қорытынды жолдайды;
- 7) Комиссия отырыстарына материалдарды, Комиссияның ағымдағы және перспективалық жұмыс жоспарларының жобаларын дайындауды жүзеге асырады ;
- 8) Комиссия мүшелерінің Комиссия жұмысын жетілдіру жөніндегі ұсыныстарын қорытады;
- 9) Комиссия құзыретіне кіретін мәселелер бойынша жергілікті бюджеттен қаржыландырылатын атқарушы органдармен, лауазымды тұлғалармен және мүдделі ұйымдармен қызметтік хат алмасу жүргізеді;

10) Іс жүргізуге жауап береді, Комиссия материалдарын сақтауды және оларды мұрағатқа өткізуді жүзеге асырады.

14. Комиссия отырыстарын қажеттігіне қарай, жылына кемінде екі рет Төраға шақырады.

15. Комиссия отырысы, егер оның мүшелерінің жартысынан көбі қатысқан болса заңды деп саналады.

16. Комиссияның шешімдері ұсынымдық сипатқа ие. Қажет болған жағдайда олар Комиссия Төрағасының - облыстар, Астана және Алматы қалалары әкімдерінің өкімімен ресімделеді.

17. Шешімдер оның отырысына қатысушылар санының кемінде үштен екісінің даусымен ашық дауыс беру арқылы қабылданады. Дауыстар тең болған кезде, Комиссияның отырысын төрағалық етуші дауыс берген шешім қабылданды деп саналады.